

Govor predsjedavajućega Vijeća ministara Bosne i Hercegovine

Godišnji sastanak EBRD-a 2019. godine u Sarajevu

Ceremonija svečanoga otvaranja: Velika sala Parlamentarne skupštine Bosne i Hercegovine

Datum i vrijeme: 8. svibnja, 9.30–10.30

Poštovani predsjednici,

cijenjeni premijeri,

poštovani predsjedniče Chakrabarti, dragi Suma,

poštovane ekscelencije,

želim vam u svoje ime i u ime Vijeća ministara Bosne i Hercegovine srdačnu dobrodošlicu u našu prelijepu državu Bosnu i Hercegovinu i naš glavni grad Sarajevo.

Dobro došli u zemlju iznimnih prirodnih resursa, vrijednih i talentiranih ljudi i uspješnih upravitelja. Zemlja i grad će vam se sasvim sigurno dopasti, ne samo zbog ljepote i gostoljubivosti stanovnika nego i kao prepoznatljivo mjesto razmjene inventivnih ideja i atraktivnih investicijskih projekata te brojnih poslovnih mogućnosti, koje će vam biti predstavljene tijekom ove konferencije.

Iznimno mi je drago i ponosan sam što je Bosna i Hercegovina, odnosno Sarajevo, domaćin ovoga velikog događaja.

Zbog toga želim iskazati veliku zahvalnost predsjedniku EBRD-a gospodinu Chakarbartiju, dragome Sumi, na njegovome angažmanu i velikoj potpori koju je davao Bosni i Hercegovini i Vijeću ministara u svim procesima koji su doveli do realizacije ovoga velikog događaja, koji je važan ne samo za Bosnu i Hercegovinu nego i za čitavu regiju Zapadnoga Balkana.

Na više od 40 različitih sesija koje će biti organizirane u narednih nekoliko dana razmijenit ćemo dragocjena iskustva, znanja i vještine s našim uvažanim gostima, istaknutim i dokazanim upraviteljima, privrednicima, bankarima, financijskim stručnjacima, onima koji su bili i koji jesu stvaraoci, voditelji i implementatori uspješnih ideja, projekata i kompanija.

Razgovarat ćemo o najboljim modelima unapređenja ekonomije u Bosni i Hercegovini i regiji Zapadnoga Balkana, o reformama potrebnim za kreiranje pozitivne poduzetničke klime i unapređenje poslovnog okruženja, o najboljim

praksama koje će dovesti do povećanja konkurentnosti gospodarskoga sektora, o poticanju domaćih i privlačenju stranih investitora, o pojedinačnim, ali i regionalnim kapacitetima naših prirodnih i ljudskih resursa, o našim ekonomskim i investicijskim potencijalima te o mjerama i pravcima daljnjega djelovanja u cilju rješavanja ključnog makroekonomskog problema čitave regije, a to je pitanje otvaranja novih radnih mjesta za mlade osobe kako bismo ih zadržali da žive i rade u svojoj domovini – Bosni i Hercegovini, ali i na prostoru čitave regije, koju, posebno u ekonomskom smislu, želimo povezivati i izgrađivati.

Zbog svega je navedenoga i Vijeće ministara Bosne i Hercegovine u posljednje četiri godine bilo usmjereno ka preuzimanju europske ekonomske i pravne stečevine, održivom ekonomskom razvoju, stabilnosti i prosperitetu naše zemlje.

Sretan sam što danas mogu kazati da je Bosna i Hercegovina ostvarila vrlo velike pomake te da naši ekonomski parametri pokazuju kontinuiran i pozitivan ekonomski rast i razvoj, poboljšanje ukupne ekonomske situacije te povećanje razine kvalitete i konkurentnosti bosanskohercegovačkih proizvoda i ukupne bosanskohercegovačke ekonomije.

Rast BDP-a je kao i prethodnih nekoliko godina i u 2018. godini bio iznad tri posto, i taj se trend nastavio i u 2019. godini, obujam vanjskotrgovinske razmjene Bosne i Hercegovine u 2018. se godini prvi put približio iznosu od 32 milijarde KM, imamo kontinuiran rast izvoza, ključnog indikatora privrednog razvoja, po čemu smo među vodećim državama na Zapadnome Balkanu.

Naš najznačajniji partner u vanjskotrgovinskoj razmjeni jeste EU, u koju izvozimo više od 73 posto svojih proizvoda, a najvažniji vanjskotrgovinski partneri i ključna izvozna tržišta su: Njemačka, Italija, Austrija, Slovenija, Srbija, Hrvatska i Turska.

Bosna i Hercegovina je u 2018. godini imala rekordnih 800 milijuna KM izravnih stranih ulaganja, što je povećanje od oko 50 posto u odnosu na prethodnu godinu, a najvažnije je da se taj trend rasta nastavlja i u 2019. godini, što pokazuje da su brojne reforme koje smo realizirali – kao i one na čijoj realizaciji trenutačno radimo – polučile rezultat i da BiH postaje vrlo privlačno odredište za strane investitore iz regije, EU-a te cijeloga svijeta.

Posebno se radujem zbog toga što je EBRD kumulativno investirala više od 2,3 milijarde eura u BiH u više od 160 različitih projekata, od čega se 82 posto odnosi na investicije u infrastrukturu, posebno u transeuropski Koridor Vc, u koji je EBRD dosad uložila 550 milijuna eura. EBRD je u 2018. godini u BiH uložila 200

milijuna eura, što je znatno povećanje u odnosu na ulaganje od 130 milijuna eura u 2017. godini. Očekujem daljnju ekspanziju i da te investicije premaše iznos od 300 milijuna eura u 2019. godini, ne samo u sektoru infrastrukture nego i u jačanju privatnoga sektora i razvoju malih i srednjih poduzeća, energijskoj učinkovitosti i zelenoj ekonomiji.

Naravno, naša je obveza i naše čvrsto opredjeljenje da nastavimo s ekonomskim i socijalnim reformama, unapređenjem poslovnog okruženja, jačanjem vladavine prava i daljnjom stabilizacijom političkih i društvenih prilika; to smatramo ključnim preduvjetima daljnjega ekonomskog razvoja.

Mi ćemo i dalje raditi na tome da Bosnu i Hercegovinu učinimo konkurentnijim i poželjnim odredištem. Dosadašnji su rezultati vidljivi, što je konstatirano i u analizi Svjetske banke u kojoj je Bosna i Hercegovina apostrofirana kao država s najvećom registriranom smanjenom stopom nezaposlenosti u regiji u prošloj godini, pri čemu sektor usluga bilježi najveći broj novih radnih mjesta.

Dakle, rezultati su vidljivi i procesi idu u pozitivnom smjeru, ali ne možemo kazati da smo potpuno zadovoljni. Moramo nastaviti s reformama, moramo raditi još više kako bismo svoju državu učinili mjestom ugodnim za život i unosno poslovanje. A to ne možemo uraditi sami – potrebne su nam investicije, posebno u sektore u kojima imamo velike potencijale, potrebna nam je regionalna investicijska platforma, rapidan razvoj i integriranje novih tehnologija, potreban nam je razvoj transportne, energetske i digitalne infrastrukture.

U svim tim našim planovima Europska banka za obnovu i razvoj bila je i ostaje jedan od ključnih oslonaca i faktora budućih procesa izgradnje stabilne i ekonomski prosperitetne Bosne i Hercegovine.

Ali o ovim ćemo temama posebno govoriti na investicijskoj sesiji koja će se održati sutra i na kojoj ćemo pozvati sve prisutne investitore obrazlažući razloge zbog kojih trebaju ulagati u Bosnu i Hercegovinu.

Svima vama želim puno sreće u radu, uz iskrenu želju da mnogobrojni današnji i sutrašnji sastanci i događaji budu uspješni te da doprinesu našem zajedničkom cilju, a to je jačanje bosanskohercegovačke ekonomije i ekonomije u našoj regiji.

Želim vam ugodan i prijatan boravak u našoj lijepoj zemlji. Nadam se da ćete naći vremena da uživete u bosanskohercegovačkim ljepotama, jedinstvenome kulturnopovijesnom naslijeđu i ljepotama Sarajeva.

Na kraju, pozivam vas da prisustvujete investicijskoj sesiji zemlje domaćina koja će se održati sutra, u ovoj sali, a koja će početi u 9.30. Tu ćemo predstaviti investicijske potencijale Bosne i Hercegovine.

Zahvaljujem još jednom na konstruktivnoj suradnji i snažnom angažmanu EBRD-a u BiH, putem kojega je implementirano mnogo važnih infrastrukturnih i drugih projekata koji su iznimno značajni za ekonomsku obnovu i razvoj BiH.

Čast mi je u ime Bosne i Hercegovine, zemlje domaćina, otvoriti godišnji sastanak EBRD-a 2019. godine u Sarajevu.

Svako dobro!